

tribus ligneis explanandas: uersas autem in cinerem duas propinquas ciuitates: Similem & ipsi cladem uerit: eodem sancto spiritu animis illabante: Sex insulas propinquas: urbi obiectas tenuere. Ita eas partiti: aut quia sex essent urbi portæ: ut fama fert: aut quia in sex erat partes ciuitas diuisa: ut quæq; aut forte: aut ex composito unã ex iis caperet. Insularum nomina hæc sunt. Torcellum: Maiurbium: Amianum: Boreanum: Constantiacum: & Amorianum. Duæ ab aquis submersæ Constantiacum & Amianum. Nam præter quædam monasteria cõseruata studio & diligentia: Aliud ex his insulis apparet nihil. Cæteræ quattuor adhuc supersunt: & facile declarant templorum magnitudine & numero Altini urbis: unde sunt ortus: nobilitatem. Patauini interea quum crebris nunciis frustra petissent ab imperatore auxilium & fumantes uicinas uiderent urbes: non amplius cõtandum rati: Terra mari ue salutem quærere instituunt. Quãtis opibus tum esset patauiũ nõ habeo compertum: Nisi q; magis uideo celebratas ea tempestate Aquileiæ & Rauennæ laudes: q̃ pataui. Certe augusto imperante: qua ætate scripsit Strabo: Ita amplæ magnificæq; ab eo traditæ fuerunt: ut mihi uideantur eius uerba nõ omittenda. Patauium est cunctas eius regionis urbes excellens. Nuper in ea cæsi sunt quingenti equestris ordinis uiri. Antiquis aut̃ annis centũ uiginti militũ milia armasse constat. Quam uero ciuitas ipsa & uirorum probitate: & artium bonitate floruerit: Magnitudo cũ aliarum rerum Romam missarũ: tum uero pannorũ & uestimentorũ omnifariam mercatura declarat. A mari sursum habet nauigationem fluuiio per paludes delato: Ducentis & quinquaginta a Medua eo portu stadiis. Portus aut̃ ipse eodem quo fluuius nomine uocatur Meduaeus. Hæc Strabo. Cuius aut̃ generis: aut gẽtis fuerint quingenti equites: quos Strabo scribit declarat Plinius & Quintus Asconius qui patauium Romanorũ coloniam fuisse dicũt. Non eo deductam more: quo ceteræ urbes solebant: sed datum esse patauiniis ipsum latius: ut in designandis Romæ magistratibus: ferendi suffragii ius haberent. Quoniam uero nullis magis temporibus Aquilonares nationes: aut repellendo: aut lacessendo Romanam uirtutem exercuerunt: quam post Augusti tempora. Ob eam causam Rauenna post Augustum creuit maxime. Et item Aquileia. Illa propter maris superi oportunitatem coniunctam cum uicinitate urbis Romæ. Hæc quia claustra Italiæ: quasi in manibus teneret. Patauiũ uero & a Roma & ab Alpibus: & a mari magis recedens: sicut illæ creuerit: ita ipsum ex eo qd̃ fuerat opibus imminutum: haud mirum: Inde neglectam magis ab imperatore patauium opinor: q̃ Aquileiam. Patauini uero multi: qui antea didicissent ex Riualto insula: Methamaucoq; litoreo: Quæ apud obiecta esset stagna aeris salubritas: temperies: comoditasq;. Qui nauigandi fructus: quoue pacto omnia necessaria facile mari ex

*Alimifos Strabonem*